

LIGJ

Nr. 8944, date 19.9.2002

PER PRODHIMIN, EMERTIMIN DHE TREGTIMIN E VAJIT TE ULLIRIT

Ne mbështetje të neneve 78, 81 pika 1 dhe 83 pika 1 të Kushtetutës, me propozimin e Këshillit të Ministrave,

KUVENDI

I REPUBLIKES SE SHQIPERISE

V E N D O S I:

KREU I

QELLIMI DHE PERKUFIZIMET

Neni 1

Qellimi

Ky ligj ka për qëllim të vendosë rregullat për prodhimin, emertimin dhe tregtimin e vajit të ullirit në Republikën e Shqipërisë, që ai t'u përshatet kërkesave dhe standardeve të tregut ndërkombëtar, dhe të sigurojë prodhimin dhe tregtimin me origjinë dhe cilësi të kontrolluar .

Neni 2

Perkufizime

1. "Vaj ulliri i virgjër" është vaji i ullirit, i cili përfitohet nga ullinjtë (*Olea Europea L*), vetëm nepermjet proceseve mekanike dhe fizike, si larja, presimi, centrifugimi, dekantimi dhe filtrimi. Nga ky perkufizim përjashtohen vajrat e përftuara nga tretesit ose me procese të riesterifikimit dhe të çdo përzierjeje me vajra me natyrë të ndryshme nga ai i ullirit.

Klasifikimi i këtij lloji vaji përcaktohet si më poshtë:

a) "Vaj ulliri i virgjër i cilësise së lartë" është vaji i ullirit i virgjër, në të cilin aciditeti i lire, i shprehur në acid oleik, është jo më shumë se 1 gram për 100 gram.

b) "Vaj ulliri i virgjër" është vaji i ullirit i virgjër, në të cilin aciditeti i lire, i shprehur në acid oleik, është jo më shumë se 2 gram për 100 gram.

c) "Vaj ulliri i virgjër i zakonshëm" është vaji i ullirit i virgjër, në të cilin aciditeti i lire, i shprehur në acid oleik, është jo më shumë se 3,3 gram për 100 gram.

ç) "Vaj ulliri i virgjër ndriçues " është vaji i ullirit i virgjër, në të cilin aciditeti i lire, i shprehur në acid oleik, është më shumë se 3,3 gram për 100 gram. Ky vaj nuk lejohet për konsum njerezor.

2. "Vaj ulliri i rafinuar" është vaji i ullirit i përftuar nga rafinimi i vajit të ullirit të virgjër, në të cilin aciditeti i lire, i shprehur në acid oleik, është jo më shumë se 0.5 gram për 100 gram

3. "Vaj ulliri" është vaji i përftuar nga një përzierje e vajit të ullirit të rafinuar dhe të vajit të ullirit të virgjër pa vajin e ullirit të virgjër ndriçues, në të cilin aciditeti i lire, i shprehur në acid oleik, është jo më shumë se 1,5 gram për 100 gram.

4. "Vaj i bërësise së ullirit i përpunuar" është vaji i ullirit, i përftuar nga trajtimi me tretës të bërësise së ullirit, i cili nuk përmban vajra të përftuara nga proceset e riesterifikimit ose të çdo

lloj perzierjeje me vajra me natyre tjeter nga ai i ullirit. Ky vaj nuk lejohet per konsumim njerzor.

5. "Vaj i bersise se ullirit i rafinuar" eshte vaji i perftuar nga rafinimi i vajit te bersise se ullirit, ne te cilin aciditeti i lire, i shprehur ne acid oleik, eshte jo me shume se 0,5 gram per 100 gram.

6. "Vaj i bersise se ullirit" eshte vaji i perftuar nga nje perzierje e vajit te bersise se ullirit te rafinuar dhe te vajrave te ullirit te virgjera, pa vajin e ullirit te virgjer ndriqes, ne te cilin aciditeti i lire, i shprehur ne acid oleik, eshte jo me shume se 1,5 gram per 100 gram.

KREU II

PRODHIMI DHE TREGTIMI I VAJIT TE ULLIRIT

Neni 3

Subjektet prodhuese

1. Te gjithë personat fizike dhe juridike, vendas dhe te huaj, te cilet ushtrojne veprimtari ne prodhimin dhe tregtimin e vajit te ullirit, i nenshtrohen kerkesave te ketij ligji.

2. Vaji i ullirit prodhohet nga persona fizike dhe juridike te pajisur, detyrimisht, me lejet tekniko-teknologjike dhe profesionale, te percaktuara ne ligjin nr. 7941, date 31.5.1995 "Per ushqimin " .

Neni 4

Karakteristikat e vajrave te ullirit

Cilesia dhe kriteret e natyrshmerise te te gjitha vajrave te ullirit, te emertuara dhe te perkufizuara ne nenin 2 te ketij ligji, si dhe karakteristikat organo-shqisore dhe fiziko-kimike, percaktohen me vendim te Keshillit te Ministrave.

Neni 5

Rregullat e tregtimit

Tregtimi i vajrave te ullirit, te percaktuara ne nenin 2 te ketij ligji, behet sipas rregullave te meposhtme:

- a) Te gjitha vajrat e ullirit te perkufizuara sipas nenit 2 tregtohen te ambalazhuara. Ato lejohen te tregtohen ne gjendje te hapur, vetem nga prodhuesi, deri te subjektet ambalazhuese.
- b) Marketimi i vajit te ullirit behet ne perputhje me rregullat per marketimin e produkteve ushqimore te percaktuara ne ligjin nr.7941, date 31.5.1995 "Per ushqimin" dhe ne aktet nenligjore ne zbatim te tij.

Neni 6

Kufizime dhe detyrime

1. Ndalohen ruajtja dhe tregtimi i vajit te ullirit te virgjer te cilesise se larte, te vajit te ullirit te virgjer dhe te vajit te ullirit te virgjer te zakonshem ne fabrikat e rafinimit.

2. Kur ne te njejten fabrike, pervec impianteve te rafinimit ka edhe linja ambalazhimi per vajrat e ullirit te virgjera, eshte e detyrueshme ruajtja e ketyre vajrave ne ene te numeruara dhe mbajtja e regjistrave te hyrje-daljeve, ku shenohen çdo dite levizjet dhe prejardhja perkatese e ketyre produkteve. Keto procedura percaktohen me akt nenligjor te Ministrit te Bujqesise dhe Ushqimit.

Neni 7

Mbrojtja e emertimit te origjines

1. Percaktimi dhe emertimi i origjines i zones me ullishta behen me akt nenligjor te Ministrit te Bujqesise dhe Ushqimit.
2. Vaji i ullirit i virgjer merr emertimin e origjines, ne perputhje me ligjin nr. 7819, date 27.4.1994 "Per pronesine industriale" .

KREU III

KUNDERVAJTJET ADMINISTRATIVE

Neni 8

Percaktimi i kundervajtjeve administrative

Sipas ketij ligji, ne rastet kur nuk perbejne veper penale, trajtohen si kundervajtje administrative, shkeljet e dispozitave qe kane te bejne me:

- a) mosrespektimin e natyrshmerise se vajrave te ullirit nga perzierja e tyre me vajrat e tjera, te ndryshme nga vaji i ullirit, ne kundershtrim me piken 1 te nenit 2 te ketij ligji;
 - b) mosrespektimin e karakteristikave te vajrave te ullirit, ne kundershtrim me nenin 2 dhe qe kalojne kufijte e parashikuara ne aktet nenligjore te nxjerra nga Keshilli i Ministrave;
 - c) prodhimin e vajit te ullirit pa lejet perkatese te parashikuara ne nenin 3;
 - ç) mosrespektimin e kerkesave te ambalazhimit, marketimit dhe reklames se vajit te ullirit te virgjer te cilesise se larte, vajit te ullirit te virgjer dhe te vajit te ullirit ne kundershtrim me shkronjen b te nenit 5 te ketij ligji;
 - d) mosrespektimin e rregullave ne fabrikat e rafinimit te vajrave te ullirit, ne kundershtrim me nenin 6 te ketij ligji;
- dh) mosrespektimin e kerkesave te emertimit te origjines, ne kundershtrim me nenin 7 dhe aktin nenligjor te Ministrit te Bujqesise dhe Ushqimit.

Neni 9

Sanksionet

1. per kundervajtjet administrative, te parashikuara ne nenin 8 te ketij ligji, nga organet e kontrollit ndermerren sanksionet si me poshte:
 - a) per shkeljet e parashikuara ne piken 3 masa e gjokes eshte nga 40 mije deri ne 50 mije leke;
 - b) per shkeljet e parashikuara ne piken 2, masa e gjokes eshte nga 150 mije deri ne 200 mije leke;
 - c) per shkeljet e parashikuara ne pikat 1, 4, 5 dhe 6 masa e gjokes eshte nga 400 mije deri ne 500 mije leke.
2. Sipas rasteve te parashikuara ne piken 1 te ketij neni, malli bllokohet dhe behet rivleresimi i tij, sipas procedurave te percaktuara me vendim te Keshillit te Ministrave.

Neni 10

Organet kompetente per vendosjen e masave administrative

1. Te drejten e vendosjes se masave administrative;e kane keto organe shteterore:
 - a) Inspektorati i Ushqimit dhe Inspektorati Sanitar, per shkeljet e dispozitave qe parashikohen ne nenin 2.
 - b) Inspektorati i Ushqimit, per shkeljet e dispozitave qe parashikohen ne nenet 5 dhe 6.

2. Procedurat e ankimit dhe te ekzekutimit te mases administrative behen ne perputhje me ligjin nr. 7941, date 31.5.1995 "Per ushqimin".

KREU IV

DISPOZITA KALIMTARE DHE TE FUNDIT

Neni 11

Heqja nga qarkullimi

Vajrat e ambalazhuara qe jane ne treg, te cilat nuk jane ne perputhje me nenin 4, hiqen nga qarkullimi brenda 3 muajve, pas hyrjes ne fuqi te ketij ligji.

Neni 12

Percaktime te tjera

Rregullat per prodhimin, emertimin dhe tregtimin e vajit te ullirit organik percaktohen me ligj te vecante.

Neni 13

Nxjerrja e akteve nenligjore

Ngarkohen Keshilli i Ministrave dhe Ministri i Bujqesise dhe Ushqimit te nxjerrin aktet nenligjore perkatese ne zbatim te neneve 4, 6, 7 dhe 9 te ketij ligji.

Neni 14

Hyrja ne fuqi

Ky ligj hyn ne fuqi 15 dite pas botimit ne Fletoren Zyrtare.

Shpallur me dekretin nr. 3502, date 16.10.2002 te Presidentit te Republikes se Shqiperise,
Alfred Moisiu